

Videbunt in quem transfixerunt (Io 19, 37).

Léctio libri Zachariæ prophétæ

12, 10-11; 13, 1

Hæc dicit Dóminus:

¹⁰ Effúndam super domum David
et super habitatóres Ierúsalem
spíritum grátiae et precum;
et aspicient ad me.

Quem confixerunt, plangent
quasi planctu super unigénitum
et dolébunt super eum,
ut doléri solet super primogénitum.

¹¹ In die illa magnus erit planctus in Ierúsalem
sicut planctus Adadrémmon in campo Magéddo.

[12-14]

^{13, 1} In die illa
erit fons patens dómui David et habitántibus Ierúsalem
pro peccátis et immundítia.

Verbum Dómini.